

112 年度 教育部文藝創作獎
學生組 傳統戲劇劇本徵選

《日頭雨》

目 錄

| | |
|-----------------|---|
| 《日頭雨》劇情大綱 | 1 |
| 《日頭雨》人物角色 | 2 |
| 《日頭雨》分場敘事 | 3 |
| 《日頭雨》劇本創作 | 5 |

《日頭雨》劇情大綱

結合瘟疫、書院學潮、神鬼想像
共構一段交錯五十年的化外記事
透過重疊交叉的事件，深刻地反思生命隱含的信念、價值
更映照出信仰對常民生活的影響力

【故事大綱】

隆興 5 年初秋，乾元書院內，
一位白髮蒼蒼的山長正訴說著《論語》之道
一片落葉飄下，讓他回憶起當年陣陣往事

天和 9 年，海外東瀛遣使入國學習，造就盛世景象
一番盛世下，殊不知，北方叛賊也隱隱作動，策動謀逆
都城的乾元書院裡飄散著一股崇尚文藝、自由的風潮
院生紛紛響應群起，意欲成為時代英雄

天和 10 年 2 月，城內祭祀五王（狐狸、黃鼠狼、刺蝟、蛇、鼠）神廟例祭廟會
廟內道姑李青方與院生黃陵宗的偶然邂逅，意外地為人生開啟另一旅程
然生性浪漫的陵宗，總是不經意顯現的壓抑性格
在這背後究竟是隱含著什麼樣不可告人的秘密？抑或對自我的懷疑？

身為玄木縣城望族的黃崑、黃陵宗父子
不約而同走上類似的人生旅途
在遭逢命運帶來的遺憾與過錯的重要一刻
懺悔過後，將如何重新面對生命成長？
父親又該如何尊重孩子抉擇正確之路？

《日頭雨》人物角色

神明

狐狸大仙：五方神廟主神，源自東北信仰崇尚動物靈，由相應的動物於深山之中修煉而成；包含五方五色，分別為北方—鼠（黑）、南方—狐（紅）、東方—蛇（綠）、西方—刺蝟（白）、中央—黃鼠狼（黃）。

張山王：護國大明神，百年來護佑著玄木縣子民的生命，以施藥驅瘟為名。

白犬：狐仙神使，幽默逗趣，陪伴在青方身旁，同時也是元和化身。

李家

李父：祖籍南方，帶著一家三口至玄木縣新闢人生，豈料染上瘟疫而亡，接連影響兒女一生。

李青方：與父母、長姊來到玄木縣經商販魚，李父於瘟疫中逝世，與母姊一同遭焚身致死，後由狐仙封印一絲氣息，成為半神半人的身分，來無影去無蹤。

李瑤紅：青方的雙生長姊，與黃崑有一段未解姻緣，與父母同住而遭到鄉人焚燒致死。

黃家

黃崑：玄木縣當地黃氏望族後代，人稱崑舍，祖上橫財致富。

黃氏林彩：黃崑之妻，太守之女，由家族安排與黃家聯姻，性情溫柔賢淑。

黃陵宗：黃崑之子，乾元書院生，因受到學潮刺激而導致神智不清，後在五王神廟例祭會結識青方，因而展開一段改變人生的遭遇。

乾元書院

開山山長：表面和善，為院內學生熱心安排事務；實際為朝廷重臣，監視院內叛賊。


丹青先生：書院丹青第一人，為學生著想、不願與山長同流合汙。

陳子樵、李效白、朱鴻陽、孟光生：書院學生。

李元和：學生，書院學潮後，受牽連自請退學，後成為張山王護法神。

陳光：陵宗成為乾元山長後的得意門徒。

《日頭雨》時間敘事



元貞 8 年：瑤紅與黃崑相戀、瘟疫發生家破人亡

天和 9 年：書院起義

天和 10 年：青方與陵宗相逢

天和 11 年：真相大白

隆興元年：陵宗任職乾元書院

隆興 15 年：陵宗逝世

楔子

隆興 5 年 9 月，乾元山長黃陵宗，與武將門徒陳光正討論著禮遇百姓、共研詩書，突然回想起當年往事不禁淚漣。

第一場〈例祭盛事〉

天和 10 年 2 月，五王神祭典正式展開，花燈、歌伎遊行隊伍，人人戴上主神狐狸大仙的面具、提著燈穿梭在廟會的各個角落；一眾乾元書院學生也來此參與盛會，黃陵宗意外地認識一位帶著狐狸面具的少女，展開人生際遇。

第二場〈夢入南柯〉

天和 10 年 10 月，擔任值年爐主的黃家正籌備著張山王祭典，只見陵宗孤身返回書院；茶寮裡，陵宗恍惚間看見身旁的元和，卻忘記他早在去年書院起義後退學，並早已失去蹤影，一時百感交集，在夢裡再次看到那位狐狸面具少女。

第三場〈青春躍動〉

天和 9 年 9 月，乾元書院學生因著外邦情勢與北方叛賊影響下，決心起義共同對抗朝廷，意欲改變社會，豈料這一切卻讓學生的平靜青春掀起一波驚滔駭浪，更讓黃陵宗失去益友李元和。

第四場〈前塵往事〉

天和 10 年 11 月，青方鼓勵著陵宗要珍惜家人之間的感情，始終不願將面具拿下的青方似乎藏有許多秘密，拗不過陵宗，說起在西街市場成長以及那一年火災的往事。

第五場〈鏡面世界〉

天和 10 年 12 月，黃陵宗與父親黃崑爭執不休，一氣之下離家的陵宗在五王神廟喝下青方的神前供茶後，轉眼昏昏欲睡，夢中重新走進童年的過往，間接理解父親與自己的關係。

第六場〈日頭雨〉

進入夢境的黃崑，與黃陵宗相遇，二人再次相見已然冰釋和解，父子接著又走入五王神廟，看見似曾相識的景象，黃崑這才發現已回到元貞 8 年的那一日，陵宗則看見一個與青方極度相似的瑤紅，向他們說起日頭雨的由來。

第七場〈生命不可承受之輕〉

天和 11 年 3 月，狐狸大仙與張山王雙雙現身即使挽救黃家父子，原來乃是瑤紅與青方策動計謀，讓黃家父子懺悔，使陵宗想起過錯促使元和命喪；眾神調解下，瑤紅最終也放下憎恨，再次與黃崑在豐川亭前相見並放下執著，往生極樂。

第八場〈暮日永別〉

天和 11 年 4 月，準備雲遊各國的陵宗再次來到五王神廟，青方也將面具拔下贈予，兩人終以真面目會見彼此。在落日的逢魔時刻，卸下面具的她，也同時失去狐狸大仙的法術保護，在陵宗眼前化為塵埃離去，用這份深情為彼此留下惋惜。

尾聲

隆興 15 年，黃陵宗沿著僅存的記憶往豐川亭走去，那裏已是斷瓦殘垣，惟見一尊自在菩薩獨坐懷方塔中、拈花微笑，陵宗凝望著天空落下一絲淚痕。

《日頭雨》劇本創作

※本劇念白、唱詞均採以教育部閩南語辭典推薦漢字書寫，場景與人物提示則為華語書寫。

楔子

▲時間：隆興 5 年 9 月

▲地點：乾元書院

▲人物：山長黃陵宗、院生陳光、書院生若干

幕後 OS：

【曲】

歲月悠悠匆一別，人生得意莫急切
夢境終轉聽故曲，理想延續當年刻

（投影：乾元書院）

陵宗：各位同學，若欲予咱的性命活出光彩

就愛拍拚好好去體會人生跟時間

親像咱今仔日所讀的這句「逝者如斯夫，不捨晝夜。」

就是共咱講，失去的代誌就如同江水過去，日夜攏無法度為任何人留下
因此，千萬莫使浪費一時半刻，就算講有做毋對的所在

或者是對不起別人，只要你有信心佻志氣改進，上天絕對袂辜負你

陳光：山長、山長，我未來欲綴著阮阿爹去南方蠻荒之地開闢疆土，傳播咱的
文明這敢嘛會當算是一種勇敢的志氣？阿爹有講過喔，身為武將就是愛
將帝王的恩澤傳播予每一个百姓理解，按呢才會當創作安邦的基業

陵宗：南方啊...彼是一个美麗的存在，彼有咱遮看袂著的大海，閣有豐收的
魚群，而且您彼的人過得嘛真自在舒適；毋過，咱袂使用咱的眼界去強
迫他人接受文明，這是愛經過時間拖磨，沓沓仔理解緣故，

著親像咱讀冊按呢，慢慢看著當初的錯誤是如何用一世人來化解

陳光：先生，我了解矣，我會共阿爹講愛改進，咱的百姓才會忠心君王
毋過，你哪咧流目屎，敢講南方有啥物人予你放袂落心？

陵宗：無啥物啦，只是想著過去一寡代誌，心中難免感慨

（突然外面颳起一陣風，黃葉陣陣掃落於課堂邊）

又是葉黃物衰的九月天，我就想起彼當時……

幕後 OS：

【曲】

人生可嘆薄如絲綢，一步踏差是難盡收
探問何物可存永久，一葉知秋青春逗留

（燈暗）

第一場 歲祭盛事

▲時間：天和 10 年 2 月

▲地點：玄木縣轅門外

▲人物：黃陵宗、青方、乾元院生（陳子樵、李效白、朱鴻陽、孟光生）
歌伎與提燈、遊行隊伍

（投影：五方王廟例祭景象）

幕後 OS：

【曲】

轅門城外 商業繁盛樂無愁
新起街市 請來五王來鎮守
花月歲祭 歌伎亞賽天女遊
狐狸笑飲 一壺人間陳年酒

（帶著狐狸面具的群眾在場上圍繞、合唱著，一旁還有歌伎與扮妝遊行隊伍）

（一群乾元書院的學生走在路上閒聊著）

子樵：恁大家啊～緊來看、緊來看，東薈院的歌伎坐佇藝閣頂扮成狐狸大仙的
模樣欲唱南音矣

效白：這有什麼好稀罕的，阮兜就住佇城外的幽蘭巷尾
逐工攏嘛會當看著歌伎咧唱歌予彼の富家子弟聽

鴻陽：攏莫相諍矣，我猶是上期待佇西市內的梨園戲
恁就無知影去年的彼位小旦「李仔金」是佹爾仔婿

光生：欸欸欸～恁講講遮濟，敢有人看到陵宗？
咱毋是講好約佇轅門外見面

（陵宗自遠方，若有所思地走過來）

子樵：唉唷，閣真正是講人人到，諾～恁看伊毋是遠遠行來矣

陵宗：

【曲】

世居京城黃家邸，先祖致蔭好門第
錦繡文章效賢齊，利貞亨通乾元地

效白：陵宗，好一句「元亨利貞蔭乾地」，
真不愧是咱乾元書院的第一門生

鴻陽：這是當然的，若是欲講著做詩
彼は絕對無人會當贏自細漢予前朝太保傳教的陵宗

陵宗：想不到，元和你嘛來矣
足久無佇書院看到你矣，最近過得好無？

元和：（低頭默默不語）

鴻陽：陵宗，哪會雄雄講著元和，這是效白啦
（周圍的人趕緊將鴻陽帶離，留下陵宗）

陵宗：（繼續自顧自說著）元和，你敢閣會記得.....

自從前年東瀛國起兵犯界，北方叛黨又對朝廷不滿，弄著農民起義
使得民不聊生，百姓哀鴻遍野，彼時咱就有講過愛為百姓拍拚的理想

【曲】

海外賊國弄牙虎視眈，閣有北方叛黨來造反

百姓不知官員早已旋，皇家簫管笙歌不奏亂

元和：**我出身武家護人寰，你以文策安邦端**

陵宗：**拍破腐敗朝廷造新嬌**

效白：（急忙小聲說著）陵宗，你嘛講較細聲咧，

敢佇遮討論亂黨叛賊，你真正攏毋驚予巡捕大人掠去矣，

敢講你袂記頂一改奎閣書院的學生就是佇外口講著這予掠去刮頭矣

鴻陽：唉唷！這哪有啥物好驚怕，我看咱早慢嘛會改朝換代

你看，萬千皇族猶閣咧皇城內享受榮華，奢華至極

若毋是北方軍隊偷偷拍開米倉，哪會當予你今仔日閣有飯通吃

子樵：好啦，今仔日是咱在地五王廟一年一度的大慶典

又閣是狐仙的聖誕，咱出來看鬧熱就莫講這毋歡喜的代誌

光生：對矣，陵宗我記得專門教丹青的老山先生伊有交代講

愛帶一幅圖來獻予五王廟，你敢畫好矣？

效白：講著這個丹青先生，伊實在嘛是天才一个

總是愛去彼無人的所在描繪丹青，講什麼按呢較有靈感

好親像是去青龍禪寺邊仔的彼个荒廢的「豐川亭」做主題.....

（黃陵宗聽到「豐川亭」突然一驚，似乎有所印象）

陵宗：豐川亭....哪會聽起來遮熟悉？

【曲】

這是一個啥物所在？為何予我聽著心肝頭倚袂在

（眼前突然出現一位帶著狐狸面具的女子，以及豐川亭的模糊影像）

青方：陵宗，你緊來，我佇豐川亭等你，不見不散、不見不散.....

陵宗：**莫非是過去佇遐心事埋，不見人影只聽聲聲呼喚來**

到底有何事情來忘懷，向望上天點醒鬥安排（陷入沉思模樣）

子樵：陵宗、陵宗，你今仔日真奇怪喔，定定按呢翹神仔翹神

陵宗：無啦，無代誌，恁頭拄仔講到佗位？

光生：你閣講你無代誌，阮講到丹青先生足愛佇彼無人的所在描畫丹青啦

閣有前兩冬有一个戲班來咱城內朱雀瓦舍做的新戲

講啥物這是這陣仔上蓋時行的戲文，

彼个作者因為不滿朝廷腐敗辭官了後所寫的劇本

確實是真精彩，但猶閣差我一點點....恁聽來～（比劃著戲曲身段）

【曲】

千金夢中遊園遇書生，怎知春風迷人不昷醒

每日念郎心思一重重，尚未出閣煞來斷魂亡

【曲】

書生赴考巧遇魂嬌媚，夢境伊人相逢情來依

人鬼婚配親翁嘆離奇，狀元開棺和合還魂記

（眾人拍手光生的表演，並大聲叫好，帶有點戲謔成分）

子樵：看袂出來，光生閣真有兩步拭仔

光生：哈哈，以前阮阿爹定定弄我去朱雀瓦舍聽戲，加減有學著淡薄仔啦

鴻陽：好啦，緊行啦（催促著大家）

咱毋是欲閣去鳳凰閣觀賞今仔日欲搬的祝壽戲

子樵：對、對、對，你無講，我攏袂記得欲

（眾人轉身欲離開，陵宗與一位帶著狐狸面具的女子撞個正著）

陵宗：歹勢、歹勢，毋知影我共你弄著有怎樣無？

（抬頭驚覺）這個狐狸面具..... 是你啊！咱是毋是閣見面矣

青方：你是誰？我根本就不捌你，莫佇遐牽親引戚、趁機會食我豆腐

陵宗：但我好親像佇佗位看過你

青方：你閣佇遐烏白講，我著欲喊救人矣

陵宗：好、好、好，我走就是，你敢確定無怎樣

青方：無啦，我先來走矣（一瞬間消失在茫茫人海）

（其他同學已走遠，在一旁呼喚著陵宗）

同學們：陵宗啊，你閣毋較緊耶，鳳凰閣的大戲著咧欲開始矣

陵宗：好啦，小等我一下（邊跑邊疑惑著）

幕後 OS：

【曲】

這是前世的咒懺，抑是狐狸的計算

陵宗：讓人心悶難解散，親像冷雨全身澹

青方：（幽幽地出場說）陵宗，我佇豐川亭等你，緊來喔！

（燈暗）

第二場 夢入南柯

▲時間：天和 10 年 10 月

▲地點：黃家府邸、張山王廟

▲人物：黃林彩、傭人若干、黃陵宗、青方
乾元院生（陳子樵、李效白、朱鴻陽、孟光生）

（投影：黃家府邸）

幕後 OS：

【曲】

立冬過後好收成，又是一年近尾聲

黃林彩：張山王爺壽誕慶，值年爐主無底閒

阿春仔～你幫我共遮的金紙、香燭提出去，
這是咱今年張山王祭典愛用著的物件，今年來鬥相工的人有增加
你就愛會記得青菜、魚肉加攞一寡，通予大家食飽

阿春：是，夫人

（黃林彩終於忙到一個段落）

黃林彩：

【曲】

彩娘自細就有訂婚親，父母作主嫁黃崑飛出林，

翁某多年恩義如海深，每日扞家操勞無生嫌心

今仔日，阮阿崑一透早閣出門，講欲趁過年前去青龍禪寺拜祭父母

【曲】

講著孝親無人較輸阮翁伊，定定一人行人青龍寺

毋知伊是為何才來心傷悲，總是望著豐川亭恬恬來流淚

真是予人著急，張山王的祭拜咧欲開始，毋知影是按怎猶未倒轉來

（陵宗自房間走出）

陵宗：阿娘，我下晝欲出門，袂轉來食暗頓喔

黃林彩：阿宗，阿娘毋是有共你講過矣，你平常踎佇書院佻晚攏毋要緊

但今仔日是咱厝邊張山王祭典，你愛較早轉來幫恁阿爹招呼人客

（陵宗一臉不屑模樣）

陵宗：阿娘，我就講我對這無興趣，你佻阿爹處理就好矣

黃林彩：（無可奈何）你這的囡仔實在是喔，固執的個性佻恁阿爹一模一樣

毋過，你頭拄仔講的話千萬袂使予恁阿爹聽到，早去著早轉來

（黃崑這時走進家門看著母子兩人）

黃崑：是有啥物話袂使予我聽著？

恁兩個母仔囡閣咧講啥物僻話袂使聽

阿宗，你是欲去佻位？阿爹毋是共你講過，

今仔日是王爺公的正日，你愛留住厝內鬥相工

（黃林彩露出著急的表情）

黃林彩：無啦、無啦，老仔啊，阿宗伊只是欲出去一下，連鞭就轉來矣

黃崑：敢是按呢？阿宗，你緊去就緊轉來，王爺上轎後陣頭隨欲開始矣

阿爹欲共你介紹予幾個內閣官員佢生理場上的頭人予你熟識

（陵宗呆站著，似乎話要說，卻說不出口）

陵宗：阿爹....我真正對做生理無興趣矣，而且我以後嘛無想欲科舉功名，

我想欲做一个雲遊的詩人

黃崑：（掩住怒氣）阿宗！阿爹共你講過幾擺，以後這擺是你的責任

而且你若是無考取功名，以後是欲按怎替家己的產業跟官方拍好關係？

啊無你講看覓，你想欲讀啥？

黃陵宗：阿爹，我....

【曲】

物質生活無止窮，怎知生命內涵更貴重，

可嘆人心欠思量，貪婪轉眼真無常

為展抱負施理想，須以詩文的腳步來實行，

才能共同創造新朝廷的大同

黃崑：孽子啊～你真是氣我

【曲】

想咱黃家～

原是衣衫襤褸路邊狗，勤儉拍拼望得子孫來出仕

木材買賣換來一生的大富，港邊料館予人來看有

怎知出了你這的敗家子，沉迷虛空，講什麼富貴瞬間化為無

陵宗：但是阿爹，咱毋通予這的物質生活限制

愛替人民實現安定生活的理想才會當出頭天

你毋是嘛有共我講過，咱做生意、布施是為著予人人有飯通食

黃崑：（惱怒）你莫閣講矣，毋管按怎，等你書院結束後

我已經替你安排好入廣文館，到時看你欲按怎做擺會使

絕對無予你改變的機會，你有聽到無！

陵宗：阿爹，你....

（黃陵宗聽完之後跑出去）

黃林彩：阿宗啊～你會記得較早轉來喔

老仔啊，我毋是共你講有話就好好仔講，你看這馬囡仔走出去，

看你是欲按怎才好，哼！

（場景轉換到乾元書院的茶寮）

子樵：東瀛國自從前幾年來到咱遮學習禮儀了後

目前已成為一个真正的新國家，無親像咱的皇帝

干焦會曉佇皇城內飲酒暢樂，心中抱著欲統一天下的無知

光生：而且，聽講這幾年您不但學習咱的文化，而且人民思想嘛愈來愈進步，

聽講前幾年閣有一个和尚來到青龍寺學習佛法，將經典帶回東瀛

（陵宗走進茶寮）

子樵：陵宗，你哪會看起來悶悶不樂，是發生啥物代誌？

鴻陽：對啊，我看你敢若心情無啥好，共厝內的人冤家矣，是毋？

陵宗：無啦、無啦，只是頭拄仔出門的時陣發生一寡代誌

歹勢～我這馬隨寫予恁，今仔日的茶錢就予我來請

（茶寮娘子端來熱茶給眾人）

陵宗：元和，我知影你上愛就是茶寮內，娘子以夏日荷露所做的這杯「夏露煎茶」，我特別吩咐伊這頭一杯就愛欲予你

（對著空無一人的座位說道）

（眾人面面相覷著）

陵宗：（突然反應過來）啊，恁看我，又閣袂記得元和伊已經.....

子樵：袂啦、袂啦，陵宗你若是今仔日無啥爽快就先歇暍無要緊，

橫直咱今仔日來這就是欲放輕鬆矣，莫想遮濟

（同學們繼續剛才的討論）

光生：咱頭拄仔講著，東瀛國前幾年嘛是皇親奪權不斷，

但到恁遷都了後，向咱學習城市建造的方法以及信仰佛法了後，

如今是一片繁華，好親像新的國家

（陵宗默默地走出去，站在茶寮旁的奎星閣祈禱著）

陵宗：諸位先賢在上，請你著共我鬥相工

【曲】

阮是書院的同窗，為創造時代的理想

看今（tann）我朝局勢無尋常，正逢機會來成長

希望文昌先賢庇佑咱逐家仕途順勢，朝政和平，施展抱負
毋知元和，你這馬過了好無？自從你離開，大家攏真想你

原是鴻雁共飛跨海洋，怎知儂心棄群，今日何去又何從

願你此去～如海湧無波心平靜

（恍惚間，陵宗似乎看到一個熟悉身影，跟在後面走入一個地方）

（場景轉換到五王神廟的石階道，正在雨中舉行著一場婚禮）

（陵宗為躲避雨勢卻無處可躲，只能站在廟旁的涼亭中）

幕後 OS：

【曲】

雨中迎親春宵刻，夫婦合和共琴瑟

眾人歡喜佳偶擇，神前見證永不寂

笑語談生看斟酌，狐狸賓客做信約

陵宗：**親像是南柯幻夢又如實，不知為何身在此時刻**

咦～哪會有人佇這奇怪的天氣結婚，又是落雨又閣是出日頭

而且，詳細一看彼新郎的背影閣有一點仔熟悉，敢若是阿爹？

邊仔人的打扮嘛真奇怪，哪會面頂攏戴著狐仙面具

（正當他要往前看清楚新郎面相，卻突然走出一紅一綠的將軍）

紅將軍：少年仔～這不是你來的所在，你若毋想欲惹麻煩，緊走！

綠將軍：紅面仔，伊看起來敢若是黃家公子，哪會走來遮？

紅將軍：聽你按呢講，閣真實是伊咧，我嘛毋知哪會拄著伊

橫直頂懸的安排，咱哪會通管管遮濟，緊共伊趕走就對矣.....

（一同出掌將陵宗打下場）

（陵宗隨後在床上醒來，發現周圍的環境正是自己的房間，父母在旁）

陵宗：（夢囈著）恁莫走、恁莫走啊～

黃林彩：阿宗，你總算醒來矣

（定睛一看驚覺是母親）

陵宗：阿母，我哪會佇遮？

黃林彩：你下晡昏倒在茶寮邊，是鴻陽恁將你插倒轉來，無代誌就好

黃崑：我看盈暗，你若無想欲去祭典，就先佇厝歇睏

陵宗：（陵宗思考著夢中那形似父親的背影）嗯，多謝阿爹.....

黃林彩：老仔，你頭前毋是閣有真濟人客愛招待，咱先出來去，予囡仔歇睏

（陵宗起身看著書齋旁的那張墨寶「文武定邦」）

陵宗：元和，我對不起你.....

幕後 OS：

【曲】

可嘆時光，不堪歲月流轉心傷多蹊蹺

如夢似真，奎星閣前虛幻生來步兩搖

不敢回頭，恐怕望見當年書院的風潮

歲歲年年，怎知錯事浮上眼前記牢牢（tiâu）

（燈暗）

第三場 青春躍動

▲時間：天和9年9月

▲地點：乾元書院 茶寮

▲人物：黃陵宗、書院眾學生

（投影：書院茶寮）

幕後 OS：

【曲】一年將到尾，轉眼又是桂花芳，才知紅葉飄零已到秋，
書院茶寮，鬧熱非凡，笑看大智的酣然，哪躉著會哪自由

同學甲：毋知影是誰，頭拄仔是誰共我創治，將我的琴弦用斷去
哪是予我掠到，絕對袂放伊煞

同學乙：哈哈，你這就叫做「自作孽，不可違」

（偷笑著）頂改毋是嘛共我的弓箭要壞去，拄仔好爾爾

同學甲：喔喔喔～我知，一定是你記冤仇，揣人來報復我啊

同學乙：我無講喔，你家己講家己想，莫牽拖到我遮來咧～

同學甲：你實在啊～莫走，看我下改按怎共你討倒轉來

嘿～陵宗你轉來矣，今仔日閣去佗位「風騷」綴賢士寫詩？

陵宗：哈哈，我的詩文「若講到你捌，喙鬚好拍結」矣～

陵宗：**【曲】**

**本想書院生活多不便，怎知師母不時將咱來掛牽
不怕枵飢受寒如神仙，有伊照顧宛如親娘在身邊**

（同學甲苦笑而不答）

元和：**【曲】**

**自由意志心不囚，
看盡世界多紛憂
眾位人才共聚一爐無煩愁，
學術爭辯不盡又不休**

我共你講，這馬的時代已經無全，連化外之邦的東瀛攏咧進步
聽講外邦人流傳一種欲予人人平等、有飯通食的進步思想，
干焦咱猶閣受到腐敗朝廷的壓迫，讀啥物孔子聖賢、四書五經

同學丙：人人平等是真好，但儒家傳統嘛是咱的生活

而且，敢講無想著，這米倉若是予遐的貪官拍開分配了後
恁遮的富家子到時「食米毋知影米價」就莫來喊救人喔～

元和：才袂咧，錢財乃是身外之物，只要大家食飽，哪像你按呢自私

同學丙：啊無你來問陵宗，伊上公平嘛上有學問

陵宗你講，我按呢講有道理無？

子樵：陵宗，你對這一改奎星書院起義予巡捕大人抄滅有什麼想法？

陵宗：我認為，北方叛賊以無正當的手段透入書院煽動確實是恁的毋對，

但其他的人是無辜的，而且個個攏是在地有名望的官紳之子、書香世家，豈能予官府隨意糟蹋，如今應該共同來倚起，將咱的想法呈予山長，由伊代替咱向朝廷申訴

鴻陽：無毋著，清白是讀冊人的正直風範，但我認為交由山長處理根本就無效，不如咱就先暫停今年上貢朝廷的字畫，以咱的意志反抗

（突然一陣鼓譟）

元和：大家聽我講，因為前幾天咱有兩位院生綴著奎星書院起義

有一寡代誌未經過公平的處置隨予巡捕掠去枷禁

所以對這馬開始，咱嘛愛予府衙知影響咱反抗的決心

任何人攏袂使踏出書院一腳步，咱的進貢字畫也暫停

（一位丹青先生大聲喝止學生要求進入）

丹青先生：大家緊走！有大代誌欲發生矣，這馬若是毋走就袂赴

頂面已經通報大理寺就欲來包圍書院，足濟巡捕跟差衙對遠遠的所在行倚來矣

（元和喊住陵宗）

元和：陵宗，你先莫離開，這一改的任務有一部分是山長偷偷請我來安排

我希望你會使共今仔日發生的代誌記錄起來，以後通好成為歷史證據

毋過你愛細膩，千萬袂使共這的文卷及咱今仔日的行動講出去

這一改，我毋知敢會使全身而退，

但我希望藉由這改的改變，會使予咱每一個人攏受到公平對待

（說畢後隨著走入茶寮繼續討論應戰策略）

（幾位院生由子樵帶領衝出校門口排成一排）

子樵：若欲走向新時代，打造出新風貌，咱絕對袂使受人限制！對無！

開始唱咱的院歌

【曲】

獅子山下一書院，嶺頂雲霧踏七星

讀來四書與五經，願效先賢的前塵

乾元利貞卦象圓，不貪人情與銅錢

朝夕相處絲糾纏，院生共寫史萬年

眾人：乾元萬歲！乾元萬歲！乾元萬歲！

幕後 OS：

【曲】

一瞬間天旋地轉，茫茫學生為了自由來拼全

不知福禍疑霧團，紛紛出逃拍拼不畏強霸權

陵宗：**向望事件有轉圜，眾人平安不離將心通放寬**

山長：陵宗，你佇遮咧創啥？

（燈暗）

（場景轉換到幾日後眾人集會現場）

山長：各位同學，今仔日我欲公布一件代誌

針對這改的起義事件，書院佢大理寺決定欲予大家一改機會

除了頂改裁決名單以外，其他學生對今仔日起，全數恢復正常

（場景轉換到黃昏放學之時）

鴻陽：元和，你敢真正決定欲自請退學？猶是你欲偷偷轉去娶阿仙？

子樵：是啊，既然校方已經願意饒過恁的罪過，為啥物閣欲離開？

元和：唉，這一切是我家己做出來的代誌就愛家己負責，恁莫閣講矣！

效白：元和你閣等一下，代誌無遮嚴重，而且陵宗嘛猶未來，小等伊就來矣

元和：（揮揮手）請恁代替我共陵宗說道謝，我想阮已經無機會見面

（過幾天便傳出元和失蹤於山間的消息）

幕後 OS：

【曲】

晚霞落盡在山霧罩無邊，紅光西照耀眼青春面

眾人各分東西嘆奈何天，來日再見已是神聖賢

（燈暗）

第四場 前塵往事

▲時間：天和 10 年 11 月、元貞 8 年 10 月

▲地點：五王神廟、西街市場、李家

▲人物：李青方、黃陵宗、黃崑、白犬尊者、李父、李瑤紅

（投影：五王神廟）

青方：（在廟旁一邊灑掃一邊微笑著）

【曲】

想起彼日廟會路頭暗，巧遇青春懵懂漢

欲問誰家的好少年，唇難啟開，留存在我心永不散

（白犬突然在後面現身）

白犬：青方，你閣咧想彼個乾元書院的學生

青方：才無咧，我是咧想一件代誌....

【曲】

按怎伊會昏倒佇茶寮裡，無風又無搖倚真在

莫非背後有人暗自鋪排，如今想來不安誠古怪

阿滿，你敢袂感覺足奇怪？是按怎伊會佇茶寮邊的奎星閣頭前昏去

白犬：（暗自糾結著）哪會～有可能....就是伊佇彼雄雄無注意滑倒而已

青方：敢真正是按呢？你是毋是有啥物代誌隱瞞我？

白犬：你莫佇彼想遮濟矣，我才無彼个閒工

青方：毋過，我嘛因為按呢才會當綴著恁同學後面，

知影伊是咱玄木縣大地主黃家的少爺

白犬：青方，你實在是喔～攏袂記主人對你講過的話....

青方：我當然嘛知，伊講過....

【曲】

當初時，一場大火全家來燒離

好在大神來撿起，用心共阮成（tshiann）飼

日時就在神廟為女尼，暗來兩行清淚到天明

過去遺憾逢人莫講起，掛上面具方能保全一切的根基

白犬：無毋著，你的這個面具絕對袂使佇日頭落山進前挽落來，

若無你就會被人發現你的身分，所以你若欲去看黃陵宗，

絕對袂使將面具提落來！

青方：知啦，我當然會記得這件代誌，你嘛愛看我有法度拄著伊無

（陵宗正自遠方走過來）

白犬：你看，真是講人人到

伊毋著對彼行過來矣～

青方：啊啊啊～阿滿，你緊來幫我看，我衫褲有穿好無？

白犬：有啦，對對對，閣有面具，緊掛起來！

（馬上拿面具給青方，白犬也隨即端坐在一旁）

（陵宗突然看見青方，並站在他身後）

陵宗：嘿！咱又閣見面矣，這一改你應該會記得我是誰吧！

（青方將面具戴上後轉身）

青方：當然矣，你就是黃家的.....

陵宗：咦，你哪會知影我姓黃？莫非你....是....

青方：無啦、無啦，因為我頂改有聽著你的同學叫你的名字

陵宗：你是咧緊張啥，我只是想欲問講你敢是五王廟的姑子，哪會這身打扮
閣有....廟會攏已經結束遮久矣，你哪會閣共這塊狐狸面具掛咧？

青方：呃.....（欲言又止）我是五王神廟的姑子，
這面具當然是我的「招牌」，你若是有需要，我嘛會使提一咧予你喔！
對啦，順繼共你介紹，這是我的朋友阿滿（指著尊者化身的白犬）

陵宗：阿滿....這個名閣真古錐矣

（往前走到廟旁該建好的神壇呆站著）

這個所在是....？我敢若好親像有來過

【曲】

**來到此地熟識袂生份，記憶湧現一陣又一陣
猶記彼日太陽雨中夫妻存，莫非夢中離身做遊魂**

青方：太陽雨？夫妻存？

哪會有人佇落雨的時陣成親啦

【曲】

**新婚攏嘛是好天好吉時，哪會日頭雨中濕淋漓
你的夢境說來真是好怪奇，巧合毋免擔憂掛心記**

陵宗：敢講這附近這幾日來攏無人成親？

青方：我若是記了無毋對，確實是無人娶親，更何況是佇落雨天

陵宗：這件代誌佇我心裡也是囤了真久，尤其是彼工的夢境

而且我會記得，彼工你好親像有看著你

但阮阿母卻是講同學送我到轉去矣

青方：（小聲地說）原來，伊彼一工有看著我

（不知不覺兩人走到湖畔的一棵樹下坐著）

陵宗：你敢會感覺人的一生實在真奧妙，咱竟然會使佇廟會熟識

自細漢我就沒兄弟姊妹，所以我特別珍惜佻書院同學相處的時陣

尤其，我今年結束就予阮阿爹安排入廣文館，猶閣是無伊的消息

青方：伊.....？是誰？

（突然，阿滿在旁跳躍著）

陵宗：無啥物，一個足久無看著的老朋友而已

我嘛毋知影是按怎我一直想袂起來彼工發生的代誌

煞煞去，莫講這的無歡喜的代誌矣，抑你咧？

陵宗：恁厝內的人佇佗位？是按怎攏無聽你提起過？

青方：這是一段真長真長的故事....

【曲】

父母生在沿海小漁村，北渡新起街市做魚販
雙胞姊妹袂赴來承歡，卻逢厝內大火來燒斷

（場景轉換到元貞八年的新起街市場）

瑤紅：**【曲】**

父母遠遷玄木做好生理，生活艱難共同來扶持
五王神廟旁就是鬧街市，庇佑商業繁盛進萬利

李父：瑤紅、青方恁兩個，物件好收收咧喔，咱差不多愛來轉矣

瑤紅：青方，咱緊來轉，阿爹咧叫咱轉去矣

青方：阿姊，曉等我一咧，我拄好買著最後一塊豆腐恰雞卵

我閣欲共狐狸大仙恰五王祈求予阿爹的身體平安、生理順利

李母：今仔日的生理實在有夠好，咱最近的魚仔攏賣了了矣，

李父：這是當然，我當初就講來玄木縣做生理絕對是有好無穰

（咳咳咳）毋知影是按怎我最近攏一直嗽，閣有一點仔發燒無爽快

瑤紅：阿爹，你最近敢若嗽甲較嚴重

李母：你是有要緊無？看你已經嗽幾落工攏毋較好

李父：無代誌，我想應該是最近生理傷好，我加歇暍就好

（市集主人突然帶著一群人闖入家中）

市場主人：李先生，你最近是毋是有感染著風寒的症頭？

李父：大人，你哪會按呢問？

藥商：李先生，彼工你來阮我的藥店提藥的時陣，我看著你眼神不正常、脈象混亂，而且發現佇你的身上有這改天痘的出珠，阮愛隨將你恁離開

李父：無可能、無可能，我哪有可能會得著病，一定是生理傷好來感冒

李母：是啊，是毋是有什麼誤會？猶是檢查毋對去？

（李父掙扎著，加上身體不舒服使得整體更虛弱）

市集主人：大人，麻煩恁緊將這個癩哥病的人恁走，免得規市街的人陪伊送死

李父：我毋走，我...毋走（昏厥而去，並隨之斷氣）

（外面圍觀的鄰居也嚇得一哄而散）

市場主人：緊～緊緊，緊共伊的屍體燒掉，毋對，這病毒遮爾仔恐怖，

應該愛共這間厝放火燒掉才是，來人啊！恁兜的人一个攏毋通落
勾，關佇內底做伙燒掉才袂予病毒傳出去

（被困在家中的母親、瑤紅大喊著，卻也無力可阻止，火勢瞬間點燃）

（剛回到家中的青方欲進入火場，卻被眾人阻止）

青方：莫阻擋我，阿爹、阿娘、阿姊～恁佇佗位？哪會放我一個人離開

（對著火燒的房舍哭泣，隨即昏倒在一旁）（燈暗）

— 中場休息 —

第五場 鏡面世界

▲時間：天和 10 年 12 月

▲地點：黃家府邸、五王神廟

▲人物：黃崑、黃陵宗、黃林彩、李青方、李瑤紅

（投影：黃家府邸）

黃崑：阿宗啊～阿宗

你這個毋成团是佇佗位，緊共恁爸出來

陵宗：阿爹，你揣我是怎樣？

黃林彩：阿宗，你這改實在是傷超過矣，恁阿爹才會遮生氣

（看了一看桌上的文卷，明白一些事情）

陵宗：（心中暗想）莫非是當初.....阿爹，我.....毋知代誌哪會按呢

黃崑：你免共我叫，你敢閣有共我這個老爸放在眼裡是毋？

【曲】

孽子啊～

竟然也敢違抗忤逆爸，平淡儒生予人看清無日地

功名才能照耀門庭第，從今共我好好反省跼厝坐

好佳哉，我有先倩人去國子監探聽這改的消息

啊若無我真正予你騙騙去，我已經重新替你安排好勢廣文館的學業

結果你竟然綴人去反抗朝廷，對今仔日開始攏共我跼佇厝，

啥物所在攏袂當去

陵宗：阿爹，你就是按呢，從來毋捌聽別人講話

會記得細漢的時，你是上支持我閣上疼我

【曲】

佇我十歲彼的時，愛耍讀冊無順勢

阿爹棍拍我身不經意，輕手為我擦眼淚

黃崑：當初看你可憐一孩兒，怎知如今共我擇反旗

陵宗：你輕聲苦勸愛我莫傷悲，未來一定會使閣再起

黃崑：我是望你功名千萬袂當來放棄，毋是今日予你來共我相譏

陵宗：阿爹，我對你實在太失望（衝出門去）

黃林彩：老仔，這個囡仔

【曲】

伊是我十月懷胎親腹生，但我對伊的個性有理情

本性善良固執莫佻伊爭，囡仔大漢相勸伊就會聽

總講一句，恁兩個就是全一款，

做什麼代誌有家己想法、擇善固執

恁兩個一定愛好好坐落來講，千萬毋通動氣

黃崑：唉～你講的，這我攏知，攏愛怪我共伊寵歹去

黃林彩：你哪全款講袂聽～

（兩夫妻一臉無奈下台）

（場景轉換至五王神廟）

幕後 OS：【曲】

**人生歹行就是人生路，命運天生註定難改途，
若欲成功就愛靠自助，掃除烏雲心肝會快樂**

（陵宗自遠方走來）

青方：陵宗，你今仔日哪會來？

陵宗：無啦，只是我有一點仔心情無好

但又閣無所在通去，行咧行咧著到這來矣

青方：看起來，你今仔日閣共恁阿爹冤家吧

你小等我一下，我入去捧一杯茶予你啲，莫走喔

（白犬阿滿突然在一旁叫著）

陵宗：阿滿、阿滿，你是毋是有啥物話想欲對我講？

抑是你嘛咧笑我竟然會去相信靠家己的力量就會當改變阮阿爹

（阿滿低著頭向陵宗撒嬌模樣好似安慰著他）

這個時陣，若是元和閣佇咧，伊一定會使幫我苦勸阮阿爹

（阿滿似乎有所感應的對他微笑並繼續低頭磨蹭、撒嬌）

青方：陵宗，歹勢，予你等真久矣～

這杯茶是咱山西茶商敬奉狐仙的茶葉泡的，會當幫助你安定心神

陵宗：青方，多謝你，講著阮阿爹伊啊

【曲】

**過去慈祥光輝若太陽，如今卻是對我催命兇，
嚴厲管教不聽兒初衷，愛我照伊安排的方向
千金文采可勝萬賈商，伊總講鏡花水月一場空**

青方：（暗自唸叨著）果然，這著共恁老爸當初時一模一樣

陵宗：青方、青方，你是咧想啥物，講啥物恁老爸？

青方：無啦，我只是咧想恁阿爹的個性共你真親像啦！（急忙撇清）

陵宗，那按呢，你敢有共恁阿爹講過你未來欲做的代誌是啥物
無的確，伊只是對你的理想無了解.....

【曲】

雖說爸罔親情天經地義，但是命運不同各人異

陵宗：阿爹性格縝密厚猜疑，總是將商場利益擺第一

青方：伊是為你前途來用心裁，你著愛知足自身如明鏡台

陵宗：修身治國的道理我攏知，但是這馬已是進步的世界

陵宗：我哪會雄雄發現，青方你好親像比我閣較了解阮阿爹全款？

青方：（若有所思而心虛）無啦....只是看著恁按呢的問題，我嘛會想起阮阿爹

陵宗：青方，多謝你，若是無你我真正無知影欲按怎，隨予我清心

（喝一口茶）講著這茶嘛.....也是甘醇可口，讓人心醉，頭麻醉.....

（喝完倒下）

青方：陵宗、陵宗，你...暈去是毋？你就佇這好好仔睏吧（冷眼看著）

（陵宗來到一個漆黑的環境）

陵宗：**【曲】**

茫茫渺渺～這是啥所在，為何不見五王境地

猶記得兩人促膝長談在中晝的市街，現在卻是輕飄如暗紗（se）

青方、青方～你佇佗位矣？為何只賭我一个人佇遮？

莫非吾身已亡登入地獄坐

（突然跑出一隻全身雪白、頭上有立耳的尊者）

白犬尊者：黃陵宗～黃陵宗～

你毋免驚，緊綴我來，放心我會幫助你

陵宗：你是誰？是按怎會知影我的名字

（白犬持續帶領陵宗前進，突然出現一面雕刻八片葉紋的圓形明鏡）

白犬尊者：陵宗，你來倚佇這面八葉鏡的頭前

就會使看到恁阿爹的內心世界，你著到時會明白

幕後 OS：**【曲】**

自古銅鏡照出人身正直，也能映照內心世界的真實

為善不怕鏡前禮義廉恥，參悟根基如雷一響動驚蟄（kenn-tit）

（時空轉換到陵宗當年初入乾元書院時的回憶）

陵宗：阿爹，我轉來矣（心情鬱悶）

黃崑：阿宗，你轉來矣，今仔日佇書院過得好無？

陵宗：嗯.....

黃崑：講話吞吞吐吐，你嘛就緊講，查甫囡成何體統

陵宗：先生講我真敖背冊，講我真乖喔

黃崑：敢真實的？哪按呢你背一句來予我聽看覓

陵宗：天地玄黃、日月星辰.....；人之初、性本善.....性相近.....

黃崑：你共我跪落，咧念啥？阿爹辛苦佇外口趁錢，結果你煞予先生來共我投

你佇書院一工到晚干焦知影四界迢迢、欺負同窗，枉費我的一片苦心，

你毋是我的囡，你共我出去

（拿出藤條教訓陵宗，並作勢趕他出去）

陵宗：阿爹，我知影毋對，我從今以後會好好讀冊，請你莫趕我走

黃崑：唉！你敢真正知錯？阿爹拍你是愛你好，敢閣會痛？

（再次轉換到當時爭論入國子監的情形）

黃崑：阿宗，毋管按怎，阿爹已經替你安排廣文館，你著愛好好讀冊

為阿爹未來的商基好好拍關係，莫閣予彼的做官人看咱無

陵宗：阿爹，我就無愛做生理，只有利用文學才能改變人心俗世界

黃崑：阿彩仔，你看咱這個囡仔就是予你倖歹，竟敢忤逆我

伊攏無想過咱做父母為伊拍算的心情，抑是我愛放伊自由去飛才是....

黃崑：（對著國子監詢問）

先生，當初毋知影阮罔無想欲入學廣文館，敢會使先取消，
我希望予伊家已做決定，敢閣會赴？你予我拜託矣啦，我一个粗魯人，
之前共伊討論無好，敢講你著袂使來鬥相工？（語帶威脅）

（國子監人員面露難色妥協）

（現在的陵宗對著過去的黃崑跪下，擦拭著臉上淚珠）

陵宗：阿爹，我知影我毋對矣請你原諒我！

【曲】

原來這就是阿爹的心情（tsiánn），
罔心遠離親像食飯無鹹泔（tsiánn）
鐵漢故作堅強總是欲來拼輸贏，
誰知伊心內所思如同千斤萬擔

（燈暗）

第六場 日頭雨

▲時間：元貞8年2月

▲地點：五王神廟、青龍禪寺豐川亭

▲人物：李瑤紅、黃崑、廟祝、參與祭典眾人

（投影：五王神廟）

（陵宗進入第三個夢境，正感到一陣莫名之時，父親也來到身旁）

陵宗：咦～阿爹！你哪會佇遮？（欣喜之情）

我總算看著你矣，我以後一定會好好聽你的話、袂閣忤逆你

黃崑：（對陵宗突如其來的反應不知所措）我嘛毋知影，干焦會記得

今仔日下晝佇西市場予人請了一杯茶，醒來就佇遮

（父子倆走著走著，竟來到五王神廟每年二月的初春祭典會場）

（黃崑眼中透露著一股熟悉卻又不知如何是好的情緒）

幕後 OS：【曲】

東風暖陽百花開，鳥兒巧囀望憂埋

初春祭典鬧彩彩，齊心奉獻添利財

（五王神廟前正舉辦著抽籤活動，眾人圍觀）

廟祝：恭喜陳公子，得到金籤詩

祝你求利得利、生理興旺，商業繁盛！

陳公子：多謝狐狸大仙庇庇，予我趁大錢，我會買閣較濟的豆腐與雞卵答謝

廟祝：來來來～逐家緊來買香花，就會使抽金色籤詩，閣會使換獎品喔

一年就干焦一改的新春抽籤，千萬毋通放棄

（瑤紅走向山門前）

瑤紅：【曲】

桃花紛飛正當時，燦爛暗香浮動生嬌蕊

五位大仙佑萬利，願是春花日暖好年期

【曲】

毋甘爹親規年攏早起，用心擺攤賣魚做生理

行入廟內訴願對神祇，願父身體莫來出差池

（自小在市場長大的瑤紅逐一向眾人打招呼）

廟祝：瑤紅，你今仔日閣陪恁阿爹來擺攤囉！

欲來抽籤詩無？阿叔，予你來試運氣抽一改，你莫共別人講喔

瑤紅：阿叔多謝你，我先入去參拜大仙，等一下才閣來揣你

（走進神廟就遇到一個人與他同樣參拜著神明）

黃崑：【曲】

多謝狐狸大仙來庇佑，予阮料館生理無難憂

再拜學海風帆好順勢，三拜父親健康好消息

（瑤紅走出神廟外，抽動籤詩之時）

瑤紅：阿叔，我來矣

你答應欲予我免費抽一改，毋通袂記得喔

廟祝：無問題，來來來～

黃崑：咦，這位姑娘

是我先來矣，而且你嘛無買金紙，你佇咧創啥？

瑤紅：喂喂喂～你這個人哪會遮無禮貌，真正是青仔櫟

敢講你無看到，是廟公叔仔講欲予我免費抽一改

（黃崑自知理虧便退在一邊）

黃崑：哼～算我有度量，你先就你先

廟祝：恭喜李姑娘，抽到金籤詩

瑤紅：哇哇哇，我抽著矣

（得意的向黃崑炫耀）

黃崑：就按呢予你抽著，看起來欲著獎應該是真簡單喔

你免歡喜了傷早，我隨閣抽一張予你看！

廟祝：歹勢，黃公子，你無抽著，閣欲買一束香花來耍一改無？

（黃崑沉下臉）

黃崑：免啦、免啦，算我這一改將機會讓予這位姑娘

瑤紅：唉唷，有人咧生氣矣

你實在足好笑，只不過當作好耍嘛

無我這張籤詩送你，好無？

（黃崑破顏而笑）

黃崑：哈哈，無啦～我敢是這種人

毋過，姑娘我愛真多謝你，

瑤紅：多謝啥物，今仔日敢是嘛來祈求生理順利？

黃崑：無啦，我是趁著阮阿爹無佇厝偷走出來耍矣

【四句連】

我歸玄木的鄉里，黃崑就是我名字

幸遇阿爹出門去，方能行踏看街市

瑤紅：若是講著我啊....

【四句連】

李家北渡貴寶地，西城街市將魚賣

厝內另有一胞妹，瑤紅是姐鬥相陪

黃崑：原來，恁是對南方之地來的李家

真歡喜會當使熟似你（鞠躬作揖）

瑤紅：哪按呢，我以後就叫你阿崑喔！

你一定無捌來過西市場，我恁你去四界看看好無

黃崑：無問題，那安呢今仔日就愛麻煩姑娘帶路囉～

瑤紅：你是咧搬戲喔

莫一直叫我姑娘啦～

【曲】

這棟西門新街場，日常買賣好參詳
五王神廟在一旁，庇佑眾人成富商

【曲】

對面就是青龍寺，金剛菩薩倚規排
遠洋大師求法來，經冊安放在蓮台

（兩人走下場，燈暗）

（半年後，來到城外的湖邊）

幕後 OS：

【曲】

歲月如煙陣陣又匆匆，轉眼春盡秋桂來飄香
一抹新妝如火添楓紅，紅女綠男互相訴情衷

黃崑：瑤紅，你緊來這看～

【曲】

城外竟然有此好賞遊，看盡山水峰頂奇觀留
鳥飛魚仔自在水內泅，不如我像家禽關籠囚

（兩人接著走到青龍禪寺前，誠心祭拜著）

瑤紅：【曲】

佛祖端坐大殿發慈悲，常佑阮兜父親病憂辭

黃崑：心存善念莫怕喜來遲，願你咱情誼是永不離

瑤紅：喂，毋通佇佛祖面前亂講話，你毋驚予佛祖講六根不清淨

黃崑：我講的是事實呀！敢講你閣毋相信我對你的一片真心

瑤紅：我相信，只是....你嘛知影

【曲】

你我身份懸殊本就不相齊，令尊伊曾言明我若欲嫁無夠格

黃崑：阿爹這房孤生孤困我一个，我來苦勸毋免煩惱遮爾濟

瑤紅，請你相信我，我一定會予你幸福的生活

瑤紅：阿崑，毋是我毋相信你，只是我驚有一工咱會被逼分開....

（兩人走到青龍寺旁的豐川亭前，瑤紅依然苦惱著兩人未來）

（正巧下起了太陽雨，兩人便躲進這祀奉著狐狸大仙像的小廟閣中）

黃崑：哪會雄雄落起日頭雨，閣真奇怪

瑤紅：日頭雨...狐狸大仙....（看到兩者，似乎想起什麼）

阿崑，佇阮的故鄉有一个日頭雨的傳說

【曲】

猶記得，母親伊啊～曾經有講過
佇日頭落雨時，千萬毋通出門去

因為他是狐狸娶親的好日期，因仔人著愛走予離離離

不可偷看 不可偷看 千萬愛謹記

以免狐狸生氣掠你受罪 到時你就無老母陪

以前我上驚的就是日頭雨出來的時陣，

但我到大漢才知，這是希望因仔人愛言而有信、乖乖聽話的故事

黃崑：如今，有我佇你的身邊，免驚什麼狐狸娶親

以後著換我來娶親！（突然大聲驚嚇瑤紅）

瑤紅：人我是足認真的，你莫共我嚇驚啦

（年輕黃崑在打鬧中下台，獨留瑤紅與壯年黃崑二人）

青方：阿崑！你敢閣會記得我是誰？（拿下原本戴在臉上的狐狸面具）

黃崑：你....是青方？毋是，瑤紅！

自從彼一年發生代誌後，我就一直咧揣你

你這馬哪會出現佇遮，真是太好矣

瑤紅：黃崑.....你敢講閣毋知影發生啥物代誌

【曲】

想當年～

瘟疫散播在玄木城，父親染疫哭哀聲

你負心走避驚破膽，閣來放火燒厝如熱鼎

一場祝融毀掉青春影，不願輪迴枉死城

等待復仇的時機來行，縱然受過也毋驚

毋管怎樣，今仔日我是欲來討你的性命矣，納命來！

（雙手緊握在黃崑的脖子上）

（千鈞一髮，張山王、狐狸大仙突然現身）

狐狸大仙／張山王：李氏，擋咧！你切莫殺生陷入輪迴！聽本座說起一段往事

（眾人驚駭）

（燈暗）

第七場 生命不可承受之輕

▲時間：元貞 8 年 10 月、天和 9 年 9 月、天和 11 年 3 月

▲地點：西市場、乾元書院茶寮
五方神廟、青龍禪寺豐川亭

▲人物：張山王、狐狸大仙、李瑤紅、黃崑
李青方、黃陵宗、書院學生、白犬神使、元和
(投影：五王神廟)

幕後 OS：【曲】

**天降瘟疫無情炭，玄木縣內如毒泉
閒人閃避走四散，哀嘆子民遍餓寒**

報馬仔：(敲鑼說道) 眾人注意，因為瘟疫流炭的關係

自今仔日開始，玄木縣城內以及市街的活動擺先暫時停止
來來來～各位鄉親聽我講

再宣傳一次，對今仔日開始，玄木縣城內、西城市街暫停活動

(街道上眾人紛紛走避)

(場景轉換到黃家府邸)

幕後 OS：【曲】

**昔日黃家門前開盛宴，怎知今日落魄路頭顛
可嘆老爺染病天地掀，親族現實如逢鬼神面**

家僕甲：老爺去穢著這馬流行的瘟疫，頭拄仔大夫共醫治了後
吩咐愛將老爺關仔房間內，任何人攏袂當人去

家僕乙：這根本就是放伊死啊，唉唷有夠恐怖～

家僕丙：恁敢講攏無發現，自從老爺破病了後，咱黃府是強強欲變成鬼樓，
完全無人行跤到，這就叫做「日頭赤焰焰，隨人顧性命」

家僕甲：啥物人攏嘛毋敢來～就干焦賭夫人願意人去照顧伊，
閣有咱遮的下跤手人上死忠，天公伯啊就拜託你救阮老爺

(轉換進老爺的房間)

黃夫人：【曲】老爺～

你若走放阮是欲按怎，數年有你倚靠若高山

黃老爺：**感謝夫人青春歲月伴，有你在旁雙手免來搬**

黃夫人：**毋甘鳥隻同林今將散，望你安心離開莫纏絆**

黃老爺：**有賴夫人栽培囝成端，百日成親予你來承歡**
老爺、老爺，你放心，我會照你安排的做

黃崑：阿爹，你莫閣講矣，你一定會痊癒

黃老爺：阿崑，阿爹知影你心內對瑤紅的感情是放蓋深
但為著恁阿娘閣有咱的家業，請你答應我一件代誌
瘟疫造成生理有罣礙，為父知你心中有意愛，

濟濟欠數如山暴雨來，唯有聯姻太守才能來化解

黃崑：阿爹～這....我做袂到，我袂行得對不起瑤紅伊....

黃老爺：**你是大冚著愛來擔責，每日不忘晨昏時刻**

無奈苦苦來相逼，人生就是愛有捨才有得

阿崑，請你一定愛答應我（大口喘氣）

黃崑：阿爹，我答應、我答應（無奈語氣）

堅定扞家振作如鐵心，用盡一生奉養老娘親

傳揚黃家重擔宗業根，也會迎娶閨閣的婚姻

（說畢，老爺即斷氣）

眾家僕：老爺歸天！（眾人哀戚一片）

（場景再次轉換到西城市街旁的李家）

（市場主人突然帶著一群人闖入家中）

（李父掙扎著，加上身體不舒服使得整體更虛弱）

市場主人：大人，麻煩恁緊將這個有瘟疫的人弄走，免得阮市場陪伊送死

李父：我毋走，我...毋走（昏厥而去，並隨之斷氣）

（外面圍觀的鄰居也嚇得一哄而散）

市場主人：緊～緊緊，緊共伊的屍體燒掉

（心懷不軌）毋對，這瘟疫遮爾仔恐怖，

應該愛共這間厝放火燒掉才是，來人！

恁兜的人一个攏毋通落勾，關佇內底做伙燒掉才袂予病毒傳出去

瑤紅：大人啊～請你共我講

【四句連】

阿爹到底發生啥代誌，為何欲來放火將阮厝來剷除

市場主人：**絕症瘟疫是無法可施，患者佢家屬就愛做伙攏燒離**

瑤紅：我毋相信，我毋相信！

我這馬就來去揣阿崑來鬥相工，伊一定有法度，拜託恁予我去

（瑤紅大喊請求黃崑幫忙，受到周圍的人群阻止）

市場主人：（不耐）哼！你嘛配共公子來就你

講一個予你死心，彼咧黃家的公子早就忘記你

下個月就欲佢隔壁縣太守的千金小姐成親矣！

（說畢放下火把離開屋內）

（剛回到家中，在門外的青方欲進入火場，卻被眾人阻止）

青方：莫阻擋我，阿爹、阿娘、阿姊，恁佇佗位？

各位阿叔、阿伯敢會當共我講是發生啥物代誌

鄰人：青方，恁阿爹伊染著瘟疫，這嘛是無法度的代誌，你愛看開

趁這馬市場的主人猶未發現你，緊離開遮，若無連你就有代誌

（眾人紛紛走避）

青方：就算是按呢，哪會當啥物攏毋講就放火燒掉阮兜

阿爹阿娘、阿姊，你講我欲安怎，放我一個人佇世間
（青方對著火燒的房舍哭泣，昏倒在一旁）
（在火場中的瑤紅，心中多有怨懟，顯現出可怕的面容）

瑤紅：**【曲】**

**可惡黃崑竟然來起僥心，迎娶太守的貴閣千金
為何你全忘當初的約信，一口惡氣實在難吞忍
放捨我孤身火場命歸陰，毋願輪迴親手將你禁**

（瑤紅怨魂則隨風離去，狐仙大仙將昏厥欲亡的青方收養為半神人）

狐狸大仙：李青方，聽著～你起來，自小你就對我十分敬重，實在可貴

從今以後，就由我來將你的一絲氣息封印在神廟內，為你續命

（黃崑出現在已燒毀的李家門口）

黃崑：瑤紅～瑤紅，你佇佗位啊？為什麼恁兜會變甲按呢？

【曲】

**匆匆不見瑤紅人形影，悲嘆燒盡美滿一家庭
怪我自己腳步徭決定，後悔莫及才來心痛疼**

瑤紅～是我對不起你！

彼工，我家己若是有勇氣向我的阿爹阿母爭取想欲娶你的決定

如今就袂欲予你受到遮濟的折磨與痛苦

【曲】

**阿爹染病身來過，親族無人敢陪綴
族長望我祖業歸，百日完婚送做堆**

我....來生再彌補你

（一個月後，黃崑也遵守古禮在百日內完婚）

幕後 OS：**【曲】**

郎才女貌黏相倚，富貴同心萬年免牽掛

新郎心悶袂收煞，新娘猶在一旁嘆愁歌，

（身旁的新娘林彩似乎也看出黃崑悶悶不樂的心情）

（場景轉換至每年黃崑都會來到豐川亭來回踱步，似乎找著什麼）

黃崑：**【曲】**

銘記當年的咒誓（tsuā），猶原從父將他人來迎娶

字字哽喉親像刀來抹，眾神怨感我負心如恆河沙（sua）

（身旁的黃林彩不解丈夫心中哀愁與淚水）

（瑤紅回想往日時光，緊握在黃崑脖子上的雙手也逐漸放下）

（兩人來到當年定情盟約的豐川亭前）

瑤紅：阿崑，原來你....一直無將我放袂記

黃崑：我一想欲揣著你，向你解釋，無過卻是天人永隔

瑤紅：就因為這一時錯誤，已經予咱兩個相隔十外年矣

黃崑：瑤紅，是我對不起你

彼時阮阿爹拄過身，我又閣隨受到家業萬千的重擔，
愛我與太守千金完婚，希望你會當原諒我當年的自私.....

瑤紅：（長嘆）凡勢只能嘆我的命薄，配你袂起

如今我知影你如今過得好，我就放心矣，我嘛了解你的苦衷
其實我一直無願意離開的原因，是為著欲揣著你講一句失禮
因為我知影，你....一直是彼个上驚孤單的人

【曲】

望你一生免愁樂開懷，兒孫自有歡欣的前程安排

黃崑：人生錯失莫使繞心內，放下遺憾方能照見好將來

瑤紅，我會等你倒轉來，咱才做伙去日頭雨看狐狸娶親

（瑤紅靜默走入豐川亭中，伴隨青龍寺的菩薩修行）

（此時狐狸大仙帶著阿滿從豐川亭走出，景象又回到五王神廟前）

阿滿：陵宗，你這聲會使了解當年豐川亭的秘密以及恁阿爹的心情矣

陵宗：狐狸大仙守護著阮阿爹閣有我，知影阮兜的前因後果

但是....阿滿，你到底是誰？為什麼會知影我的遮濟代誌

狐狸大仙：陵宗，你敢閣會記得佇夢中的彼面八葉鏡

這改，換你來看覓家己的過去，就會明白這一切

（八葉鏡再次出現陵宗的眼前）

幕後 OS：

【曲】

歲月倒轉閣再現，當年書院茶寮眼前見

痛苦暗藏心中無人憐，莫忘青春嘆百年

（場景轉換到元貞 8 年 9 月的茶寮內）

山長：陵宗，你佇遮咧創啥？

（陵宗從黑暗中帶著一疊文卷走出來）

陵宗：先生，我....我只是轉來提我匠佇的丹青圖

山長：敢是按呢？來，你共丹青圖提出來予我看

（爭論過程中，滿滿的謀逆文與連署名單自圖卷軸中掉出來）

丹青？這就是你所講的丹青？我看你是欲退學綴恁彼的人放棄大好前程

陵宗：退學就退學，而且山長....這場起義敢毋是你佻元和安排的計策，

哪會閣對我講出這種話？

山長：哈哈，黃陵宗，表面上我是山長，但實際我是朝廷指派的御史欽差，

為著就是欲來監視恁這陣毋知天地有偌懸偌厚的少年囚仔

你莫掠準講，恁兜是縣城有名的黃家我著毋敢對你安怎

如今你若是予人退學，看你是欲按怎共你阿爹交代，

而且，恁阿爹又閣是朝廷看重的民間富商，

厝內生一個叛賊，這若傳出去，對恁兜的家業是影響真大

恁阿爹以及九族親人嘛會人頭墜地，這一切著愛看你的決定囉

陵宗：山長，你！（心中不免動搖）我無可能出賣大家

【曲】

一邊是同窗的知心託付，一邊又驚共阿爹來辜負

（陵宗持續糾結著，又害怕自己無法順利入學廣文館讓家族蒙羞）

若是毋放，想那家族榮耀，將會片刻化作烏暗虛無

山長：假使講，你願意將遮的文卷丹青交予我，我會使保證你一定會無代誌

陵宗：**文卷丹青，滿腔熱血宛如千金萬富，承諾重如泰山難放出**

山長：什麼承諾重如泰山？這根本就是痴人說夢話爾爾，

離開書院了後，逐家著放袂記矣，

你的家業會使予你進入廣文館深造，甚至會當上殿面君參奏

遮好的代誌，無應該按呢予您拖累你想欲改變朝廷的理想，

這敢是一兼二顧的好事咧，哈哈

陵宗：（聽到可以面君參奏因而妥協願意交出）

為著未來的理想，我應該愛為家已來拍算，不該耽誤遺落珍珠

（燈暗）

（交出名單的那一刻，文件也變成了廣文館檄文）

陵宗：毋是毋是，這一切攏是夢，我哪有可能會出賣元和

元和講伊絕對是真相信我矣，我毋可能絕對毋可能

張山王：陵宗，你佇本王面前

敢閣猶原想袂起當年的代誌，如此你看來伊是誰～

（張山王對著阿滿施咒變回原樣）

（阿滿從白犬尊者化成元和模樣）

（陵宗瞬間無法相信眼前的一切）

元和：陵宗，真久毋看著你，最近好無？

陵宗：元和.....（淚眼婆娑）

陵宗、元和：**【曲】憶當年，你咱宛是親生的兄弟**

陵宗：**我講爸母生我一人如兒孤，你說願將我當做小弟來看顧**

元和：我知我知，你啊～就親像我的小弟全款

書院內眾人若穿全領褲，富貴散赤攏無分別是共一爐

陵宗：**當時人生滿是歡喜少艱苦，你來離開予我心內如凍寒路**

陵宗：元和，我當初一時的糊塗造成如此結果

元和：我早就知影山長心懷不軌，卻猶是戇戇相信伊的話

叫是講代誌一定會使有轉變，毋過事實證明我錯了，我嘛袂怪你

自己選擇行入深水潭，幸遇張山王爺救我出陷

從此跟隨主公在神龕，庇佑黎民理想終放心寬

過去就予伊隨風飄散，一切其實我內心攏知影

我就一直佇你的邊仔，只是你看著世界已經傷遠，

實難發現拍開心門的鎖匙就佇家己的身軀

【曲】

雨中娶親的狐狸翁某，實是瑤紅結界來相阻
差遣青紅將軍為你護，救你脫夢回轉陽間路
閣有彼个白犬神尊助，不時咧恁你遠離苦楚

陵宗：原來，元和你一直佇我的身軀邊....

元和：陵宗，見到你一面我已經放下，而你敢有彼个勇氣重新面對人生？

我希望你愛勇敢行出來，只要有代誌，你來到張山王廟我隨時等你

陵宗、元和：好，咱著按呢講定！

幕後 OS：**【曲】**

生命輪迴終有時，萬物皆有不可承受之輕利
珍惜生命自救起，彼是一支拍開心門的鎖匙

（燈暗）

第八場 暮日永別

▲時間：天和 11 年 4 月、隆興 10 年 11 月

▲地點：五王神廟

▲人物：黃崑、黃陵宗（青年／老年）、李青方、老婦

（一個月後）

（投影：黃家府邸）

黃陵宗：**【曲】**

捨離過去無魂體，雨過重新見天地

內心放鎖門扉啟，勇見未來不願退

黃崑：（拿出另一張文卷與御賜關牒）阿宗，這予你

我搵聽恁佇鴻臚寺的阿叔講過，

西域各國有真濟高才能人，你著好好去行一逝

做你的雲遊詩人，轉來才講予阿爹知影啥物是你所謂的理想

陵宗：好，阿爹我絕對袂予你來失望

黃崑：阿爹嘛欲共你講一聲失禮

因為我的強勢以及向望你為咱家業及我少年時的理想，

使得你對這人生行了毋對方向，阿爹錯矣

（父子兩人相視而笑）

（場景轉換至五王神廟）

陵宗：青方、青方，你佇佗位？

我咧欲離開縣城矣，我想欲閣共你見一面！

（青方有些畏懼，依舊帶著狐狸面具站在山門旁的樹下）

（陵宗在心中可以聽見彼此聲音，青方卻選擇避不相見）

青方：陵宗……敢講，你袂驚我？而且我閣大你遮濟歲

陵宗：我當然袂驚矣，雖然過去攏是我的幻想造成的代誌

因為有你我才杳杳仔清醒，年歲嘛永遠毋是問題

青方：無，這毋是幻想，我是當年受到狐仙封印解救的孤魂化身，

而且嘛為欲替阮阿姊出一口氣閣共伊共有這個身體來瞞騙你跟黃老爺

事實上，這個人世早就已經無屬於我，未來你會漸漸老，我卻攏袂老

我無想欲害你受著世人眼光，所以莫見面對咱倆个攏毋好

陵宗：你哪會按呢講，毋管怎樣，咱永遠莫閣分開矣，好無？

【曲】

因為你，予我為人生疑問通來解答

青方：**因為我，害你落入無明煩心難自拔**

陵宗：**若是無你，我怎可能脫離妄想，重新得著元和的原諒**

若是無你，阮阿爹更無可能會使共恁阿姊重新再相逢

一切的人生攏是熟似你了後有了改變，

甚至阮阿爹伊嘛願意予我去雲遊各國學習，這攏是你佶瑤紅的功勞

青方：陵宗，你講的敢是真實的.....？

當初咱會熟似，其實攏是阿姊知影你受著元和離世以及佻阿爹的壓力，歸個人神智不清，愛我去控制你的內心，但是我根本毋知影，到最後會遮爾仔希望陪在你的身邊.....

陵宗：青方，我毋管過去你對我是什麼款的企圖，這是上天對咱的安排

我只知影我心內已經袂行得無你的存在，我這改離開無知影當時才會轉來，敢講你猶原是無願意見我一面？

（陵宗四處找尋著，終於在一棵大樹下見到青方）

青方：陵宗，你.....

【曲】

望君將我來放下做你離開，你咱異身相處世界難順從

陵宗：**為著你我毋驚外人的眼光，願意挺身保護為你來抵抗**

青方：陵宗.....多謝你，我只要聽著你講這句話我就無遺憾

（青方終於願意現身，夕陽餘暉下顯得更美麗）

青方：陵宗，將我放袂記吧！（隨後拔下面具衝向前擁抱陵宗）

陵宗：青方，我總算見著你矣，原來你生做遮婿

【曲】

如此的情景，在夢中已經實現無數時，今日更添溫暖如太陽

青方：**如此的情景，毋願起身來破壞美夢遲，才知你是金烏使冰融**

陵宗：（懷抱著）青方，請你等我，逐年只要五王神廟的祭典廟會

我一定會準時倒轉來揣你，請你毋通將我放袂記

青方：（在懷中）陵宗，好！我.....

【曲】

請你會記今日的夕陽晚霞，這是咱雙人夢境實現的當下

陵宗：**盡管明日烏雲重重頭上罩，我攏會想起這美麗的霞光華**

青方：**嘆逢魔時刻難見白光天藍，想欲再次將你來看清已是奢**

陵宗：**你咱分開佇廟前的斑芝樹叢，暗暝別後來春又是紅花一蕊奇巧**

（青方的身體逐漸透明，直到消失在夕陽底下的霞光）

（陵宗似乎有感受到青方即將離開，久久不願鬆開空無一物的雙手）

陵宗：青方、青方....咱一定會當閣再相見，等我！

（只遺落下那狐狸面具，獨留陵宗在樹下，直至天空漆黑一片）

（場景轉換到青龍禪寺旁的墓園，陵宗將面具放在李家祖墳旁）

幕後 OS：

【曲】

神廟奇緣註定苦來栽，狐狸笑談人類異想開

若問如何使美夢存在，只將這份情意永深埋

(時間回到隆興 10 年的豐川亭)

(再次自夢中醒來，看見樹上一片銀杏金黃)

陵宗：時間過得誠緊，青方，時間已經過了四十年

當初咱約定好逐年欲佇神廟祭典見面，

毋過，你又閣創治我，我自從遊歷歸來後，

就年年等、年年望，總是無捌閣看過你

當初時因為阿爹的栽培，予我歸國就受朝廷重用

如今擔任乾元書院的山長已經十年矣，看著彼的囡仔

真正無輸我當年的滿懷志氣，閣有一个囡仔閣講伊

未來欲綴伊武將的阿爹去南蠻地界開闢疆土、傳播文明

(陵宗突然與一位身旁帶有白犬的老婦擦肩而過)

(在夕陽餘暉下，老婦向空無一人的豐川亭默念著)

老婦：**人生過錯嘆光陰，把握當下念故人**

日頭雨來迷茫身，理想不可來看輕

(陵宗突然想到什麼轉身而望)

(面對著空無一人的寺廟周圍，唯有遠處傳來狗吠聲)

陵宗：青方、青方，敢是你？

我知影一定是你來矣，哪無願意閣對我講話？

我真正足想你....

幕後 OS：

【曲】

晚霞夢境，多次入眠深似擁故人，

怎知現實已是大海沉

回憶青春，歲月奔波難以來揣尋，

只願韶光重回初情深

尾聲 豐川亭

▲時間：隆興 15 年 4 月

▲地點：青龍禪寺 懷方塔

▲人物：黃陵宗（老年）

（投影：青龍禪寺）

陵宗：青方，又閣是春天

你看，這馬的青龍禪寺已經無全款囉
東瀛國來學習的僧人比過去閣較濟，
豐川亭已經拆掉，隆興 3 年，陛下親征外邦凱旋轉來
將伊改建為一座寶塔，皇上命我表題
我就以你的名為題「懷方塔」
一直到三年前，我因為年歲大矣離開書院，
目矚煞漸漸看無，才發現人真正老矣
但真奇妙的是，我攏定定感覺著你跟元和親像陪伴佇我的身邊

（輕步拾階而上）

（看見一尊自在菩薩獨自坐在懷方塔裡）

青方，你佇彼過得好無？

你看，這是你當初留予我的面具

好佳哉頂改有先挖出來，哪無就欲失去佢你唯一的紀念矣

（輕輕將面具戴在臉上，似乎又回到當年....）

幕後 OS：

【曲】

狐狸大仙守護西街商業繁，張山王爺護佑眾生萬古傳
你看，滿滿狐狸宛如神廟的人潮，如夢又似幻
愛會記，落雨不通偷看狐狸咧娶親，小心揸著新人唱哀怨
莫問您是神亦是人，伊會恬恬陪你看盡世間的心願
記得花開歲月終有還，幹頭來看心傷悲，把握人生莫延緩

—全劇終—